




8N2-1-019



Parrez Esquibien

Kantik Santez BERC'HET, Intanvez

Diskan :

Santez Berc'het, hor mam dener,
Pedit endomp hor Zalver,
Pedit eut ho pùgale,
Jesus hor mestr, hor guir Doue.

1.

Ho pùgale 'gar ho chapel
~~Ar Batronez~~
Kals muioc'h e'hoaz e karomp-ni
Ar Batronez pedet eunhi.

2.

Esquibianis, tri c'hant vloaz 'zo,
Hag ar bobl kristen tro-var-dro,
Daoulinet dirak ho skeuden,
A c'houlen sikour ho peden.

3.

Pried yaouank gant e bried
Goestla 'ra da Zantez Berc'het
Bizou benniget, o buez
'Doug amzer o briedelez.

4.

D'an tad, d'ar vam, bezit bepred
O'skouer, o ners, Santez Berc'het,
Mam enorus eiz krouadur
Savet ganeoc'h santel a fur.

5.

Kreiz he daelou hag he enkreiz,
Aman ive an intanvez,
A gav tenez ar Zantez vad,
Bet tregont vloaz er menez stad.

6.

Met, neb kristen a gles kentel
Gant Patronez Landigentel,
Mellezour an oñ veritad,
'Zigor an env d'an eneoù.

7.

Ez-vihanik, Jesus, Mari
'Vit he c'halon oa eun dudi
Kouls ag an deis, kouls ag en noz
'Vel d'an elez er baradoz.

8.

Lezel dre guz leac'h ar repos,
Var goat kalet, pedi en noz
Souezussa tra ! ar binijen
Blije kenan d'ar plac'h kristen.

9.

E ti he zad, eb mank ebet,
Gant feis dispar, an daon bried,
Servicherien a bugale,
An offeren glevant bemde.

10.

He zad, gouarnour er Zued,
Pen an armeou a oë savet ;
Bep sun kovez a beb gwener
Kalon digor ro d'e Zalver.

11.

Abred intanv, e ped Doue
Da gennerza e volonte,
E verc'hik keaz a gass da bell
Fiziet en eur voëreb santel.

12.

Neuze Berc'het d'he unnek vloaz
A glevaz prezeg var ar groaz
A diskleria ar Bassion
Ma zaou-hanteraz he c'halon.

13.

D'an noz varlerc'h 'velaz Jesus
Gwisket en he c'hoad truezuz.
« Setu anan he mestr divin,
» Va mestr Berc'het, sellit ouzin. »

14.

— « Va mestr divin, eme Berc'het
» Va Zad, va Zalver benniget,
» Abers piou emaoe'houi a-ze ?
» Perak emaoe'houi er stad-se ? »

15.

— « Me zo er groaz dre drugarez
» Evit pec'herien didruez
» Evit tud dall a tud ingrat
» A zisprij re va grassou mat. »

16.

Gwelet Jesus en e boaniou
Wask he c'halon darz he daëlon,
Gwela reio bet' he maro
Bevech goude ma zonj ennhou.

17.

D'he c'houezek vloaz oe dimezet
Da Ulfon, a ouën ar brinset.
Dre zentidigez 'vit he zad
E timezaz a galon vad.

18.

Met, kent bannet abers Doue
Varnezho daou e volonte,
Epad daou vloaz chomet oënt-hi
Vel breur a c'hoar er memez ti.

19.

Eul loden gaer euz ar Zued
'Zo dindan galloud, he fried :
Gouarn he danvez 'vit mad ar paour,
'Dalve dezhi gwelloc'h 'get aour.

20.

'Vit an dud klanv, hospitaliou,
D'ar beorien geis ho sikouriou,
D'ar vugale, skolioù kristen,
Setu, Berc'het, hoc'h aluzen.

21.

Tud klanv, tud coz, tud afflijet,
Ententit outo gant respet :
Ma tec'h an dud ouz an dud keis,
Trec'h d'an donjer ez-eo ho feis.

22.

Her galv ar Roue d'e balez
'Vit var bep tra beza mestrez ;
Met he c'homzou, flemmuz, hardis
Var an dizurs a sko a dis.

23.

Divar dizurs a brezellou
Diroll a ra pounner kargon :
Rust, an Introuñ a zav he mouez
Ma vo d'ar bobl skanveet o fouez.

24.

'Vit he breudeur kalon tener,
Henvel ouz Jesus hor Zalver ;
Met evithi ne glasko ken
Nemet buez ar binijen.

25.

Beleien fur her c'helenne,
Ato sentuz var hent an Ee.
Jesus 'lies 'gomze outhi
'Vit he c'helenn ag he deski.

26.

Kouls ag ar brassa doctoret,
En Ilis santel n'euz skrivet
Leorion ken kaer ha ken huel !
Komzou Jesus, egleo fidel.

27.

Var urs he Zalver benniget,
Lizip 'skeive d'ar Pabet
En Avignon dalc'het neuze,
« Da Rom en dro it alesse. »

28.

Vikel Jesus 'zistro da Rom,
Leac'h n'euz Berc'het urs mont da
E Rom eta bet' he maro [jom.
Pemp ploaz var'n'gent 'labouro.

29.

Leac'h n'euz savet e^oAviel,
Jesus her blein 'raok he mervel ;
En he c'hosni a reio, c'hoaz
Var menez Calvar hent ar groaz.

30.

Esquibianis, pebeuz enor !
Pelerinet, pebeuz tenzor !
'Vit hon diouall euz ar pec'het,
Kaout relegou Santez Berc'het.

31.

Tud yaouank a tud dimezet,
Tadou, mammoù, intañvezet,
Sellit piz ouz ar Zantez vad,
Mellezour parfet a bep stad.

32.

Deskit dreist oll gant hor Zantez
Karet Jesus ag ar Verc'hez,
Karet Jesus, Ilis Doue :
Evitho n'euz roët he bue.

33.

Santez Berc'het, hor mam-dener,
Pedit evidomp hor Zalver,
Hon diouallit deis a noz
Ma z'aïmp ganeoc'h d'ar baradoz.

AMEN.

Quimper, le 21 Août 1923.

P. MESSAGER,
VIC. GÉN.

Pardon santez Berc'het, e parrez Esquibien, a vez great bep
bloaz d'ar zul kenta a vis Gwengolo.

Kemper, mouillet e ti de Kerangal.